



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 1. Vtrum frui sit potentiae appetitiuae.

---

[urn:nbn:de:hbz:466:1-72898](#)

## Q V A E S T I O X I.

## De Fruitione.

## ARTICVLVS I.

*Vtrum frui sit potentia appetitiva?*

C Onclusio est affirmans. Vide D. Thomam.

## D V B I V M I.

*Quid propriè sit frui.*

*Scotus.* **S** Cetus in 1. d. 1. quæst. 3. putat, Fruitionem nihil esse aliud quam amorem, quo res diliguntur propter seipsum; & frui Deo, nihil esse aliud, quam Deum amare.

*Dom. Soto.* Dominicus Soto in 4. d. 49. qu. 1. a. 4. putat, fruitionem esse ipsam rei adceptionem per actum vitalem; qui generet delectationem in appetitu. Frui enim picturā, nihil est aliud quam videre picturam cum voluptate; frui cibis, eos gustare cum voluptate; frui Deo, videre Deum, & inde gaudium percipere.

*Ad frui sionem saria;* **V**t res explicetur. Suppono hæc tria requiri, vt quis propriè dicatur frui, & eadem sufficere. Nempe amorem rei, coniunctionē rei per actum aliquem vitalem, & delectationem. Qui enim amat, & non habet rem præsentem, non dicitur frui, sed desiderare frui. Fruitionem est terminus desiderij, vnde Prou. 6. dicunt quidam: *Venite, fruamur concupitis amplexibus.* Rursus, qui amat, & rem præsentem habet, si non delectatur, non fruatur; sicut is qui sumit potionem amaram, quam tamen desiderabat, non dicitur frui. Vnde D. August. l. 10. de Trinit. c. 10. *Fruimur rebus cognitis, in quibus ipsis propter se voluntas delectata requiescat.*

**V**t autem intelligatur quid propriè ex his tribus vocetur fruatio:

Dico primò, Amorem non propriè dici fruitionem.

*Amor non est fruatio.* **P**robatur Primo, Ex cōmuni modo loquendi: frui bonis, nos est amare bona; sed ex illis capere voluptatem. Frui concupitis amplexibus, non est amare amplexus, sed habere præfentes, & illis delectari. Secundò Probatur, Quia amor non requirit præsentiam rei, nec delectationem ex præsentia; hæc tamen requirit fruatio. Tertiò, Ex D. Augustino, l. 8. de Ciuit. c. 9. Nemo, inquit, *beatus est, qui eo non fruatur, quod amat.* Vbi aperte amorem & fruitionem distinguit. Quare cū idem August. l. 1. de doct. Christ. c. 4. ait, *Frui, est amore inhærente,* non vult fruitionem esse amorem, sed illam inhæsionem voluntatis, qua ex amore nascitur. Denique idem patet ex vi nominis. Frui enim, est fructū capere, amare verò nihil est aliud, quam pondere quodam in rem amatam inclinari.

*Neque etiā coniunctio boni per actum voluntatem, est fruatio.* Dico Secundo, Coniunctio boni per actum voluntatem non est propriè & formaliter fruatio; rectè tamen dici potest fruatio causaliter. Prior pars probatur, quia si ex illa coniunctione nulla sequeretur delectatio, non frueremur; vt si vescares cibo suavi, vel audias suauem symphoniam, si non delectaris, non frueris. Confirmatur ex D. Augustino l. 8. de Ciuit. c. 9. & l. 8. q. 30. vbi ait, *Frui, esse voluntatem capere.*

*Quamvis sit fruatio causaliter.* Altera pars, scilicet quod causaliter rectè dicitur fruatio, Probatur; quia coniunctio boni est causa delectationis & gaudij: ré enim ipsam qua fruimur, præsentem sifist: inò ipsa quoque est obiectum delectationis. Iuxta hunc modum intellige D. Thomam in resp. ad Primum, cū visionem Dei vocat fruitionem. Est enim causaliter fruatio; quia visio est causa, & etiam quodammodo obiectum fruitionis.

**D**ico Tertiò, Delectatio vel gaudium consequens rei præsentiam & coniunctionem, propriè & formaliter est fruatio. Quod patet tum ex cōmuni modo loquendi; tunc enim & numquā alijs dicimus frui re optata, quando cā præsente delectamur & gaudemus: tum quia cetera iam exclusa sunt. Hinc sequitur fruitionem propriè ad voluntatem pertinere. Est enim ultimus ipsius motus, omniumque motum terminus.

## D V B I V M II.

*Vtrum fruatio sit actus elicitus à voluntate, an solum passio impressa voluntati ab obiecto, ipsa non concurrente?*

*Scotus.* **S** Cetus in 1. d. 1. q. 3. & in 3. d. 15. putat gaudium & delectationē ( quæ nos nomine fruitionis intelligimus ) & tristitia solūm esse passiones productas ab obiectis in appetitu. Idem sentit Henricus Quodlib. 11. q. 8. & 9.

**R**espondeo, Fruitionem esse actum à voluntate effectuè producendum. Idem dico de tristitia. Est communior Theologorum sententia in 1. d. 1. & D. Thom. infra, q. 22. a. 3. ad 3. & Caiet. q. 31. a. 4. Ratio est, quia fruatio & tristitia sunt actus vitales, atque aedō vita quædam ipsius animæ; actus autem vitales non debent manare à principio effectuè extrinseco; vt suprà ostendum est.

**C**ontrà obiectum ex Scoti; Primò, omnis actus voluntatis est velle aut nolle: sed delectatio & gaudium non est velle, neque tristitia: est nolle ( Beati enim habent nolitionem de peccatis, non tamen tristitia: ) ergo non sunt actus voluntatis.

**R**espondeo, Concessa maiore, generatim loquendo nego minorem. Tristitia enim est quoddā nolle generatim accepto nomine, quia est quædam vitalis fuga & aterio appetitus à malo præfente, cum quædam amaritudine & afflictione. Similiter gaudium est quoddam velle ( nam D. Aug. l. 14. de Ciuit. c. 6. *Omnem motum voluntatis, docet esse voluntatem, id est, volitionem* ) quia est vitalis quædam inhæsio in obiecto cum quædam dulcedine.

Nec obstat, quòd in Deo & Beatis sit nolito peccati, & tamen in illis non sit tristitia, quia tristitia non est quævis nolito, sed amara.

**O**biectum Secundò, Si Petrus summè nolit filii mori, & filius moriatur, Petro veniet noua tristitia. Sed non obueniet ei noua aliqua nolito: quia iam ponitur summè noluisse: ergo solūm superuenient ei quædam passio illata ab obiecto præfenti.

**R**espondeo Negando minorem, generatim loquendo; et si enim habeat sumam nolitionem propriè

propriè dicta, potest tamen ei superuenire nouus motus auerisoris vitalis ex praesentia mali, qui specie sit distinctus à priore nolitione: posset tamen generatim vocari nolitio, quia est vitalis aueratio à malo praesenti.

Obiecit Tertio, Omnis actus voluntatis est in eius potestate: sed delectatio & tristitia non sunt in potestate voluntatis: ergo, &c.

Respondeo, Omnem actum voluntatis in hac vita, qui fit ex perfecto rationis vnu, esse quidem in potestate voluntatis, sed mediatae vel immediatae, non autem immediae: vt patet in electione

Quomodo gaudium & tristitia snt in nostra potestate.

medij necessarij supposita efficaci intentione. Itaque tristitia & delectatio, et si non sint immediae in potestate voluntatis, sunt tamen mediatae. Posto enim amore alicuius boni, & illius boni praesentia, necessariò resultat gaudium & delectatio. Et positò odio alicuius obiecti, & eius praesentia, necessariò emicat tristitia. Sed hæc necessitas solum est ex suppositione alicuius rei, qua est in mea potestate. Si enim tollam amorem & odium, vel cogitationem aliò diuertam; tollam etiam gaudium & tristitiam.

## ARTICVLVS II.

Vtrum frui tantum conueniat natura rationali, an etiam bruis?

4  
Frui natura- ria ratio- nali com- petit per- fecte.

Prima Conclusio. Perfecta fruitio soli naturæ rationali competit; scilicet Deo, Angelo, homini. Ratio est, quia fruitio est quædam vitalis inhalatio appetitus in bono praesente propter ipsum. Atqui sola natura rationalis distinctè cognoscit rationem boni, cuiusque habitudinem ad subiectum: ergo, &c.

Brutis im- perfectis.

Secunda Conclusio. Brutis non conuenit ratio fruitionis nisi imperfecte. Ratio est, quia non cognoscunt rationem boni nisi confusè; non enim cognoscunt proportionem & conuenientiam, quam habet cum subiecto, & sitne propter se, an propter aliud conueniens.

Notandum est, Fruitionem, id est, gaudium & delectationem nasci ex tribus, ex potentia, obiecto, & coniunctione obiecti per aliquem actum vitalem, vt per cognitionem intellectus vel sensus. Vnde sequitur, ceteris paribus eod maiorem esse & perfectioram fruitionem, quod aliquid horum trium perfectius fuerit; & consequenter perfectissimam esse ex visione Dei. Nam hæc nascitur in suprema potentia, ex supra coniunctione boni supremi. Si enim tanta est delectatio appetitus sensitivus ex bonis infinitis per sensum apprehensis, quanta erit in appetitu supremo, ex infinito bono, visione beatificâ nobis unito?

## ARTICVLVS III.

Vtrum fruitio sit tantum ultimi finis?

5  
Fruitio est ultimi finis pro- pria.

Prima Conclusio. Fruitio propriè tantum est ultimi finis.

Probatur, Quia fruitio propriè designat quietem voluntatis in aliquo bono delectabili. Atqui voluntas in nullo bono perfectè quiescit nisi in ultimo; scilicet, post quod non sperat aliud;

quamdiu enim aliud sperat, non sicut, sed est inquieta, donec obtinuerit quod censem sibi ultimum esse obtainendum. Hoc modo D. Aug. passim utitur nomine fruitionis, vt lib. 83. qq. q. 30. cum ait, Omnem humanam perversionem esse, fruendis virile, & viridis frui. Et lib. i. de doct. Christ. c. 3. vbi dicit, Tantum fruendum esse Patre, Filio & Spiritu sancto.

Secunda Conclusio. Quodam tamen modo re-  
Ecclesiastis 10. 10.  
Etè dicimus frui quoquis alio bono, quod propter aliorum bonorum. diligimus, etiamsi non habeamus illud pro ultimo fine.

Probatur, Quia omne tale bonum habet in se unde delectetur, & voluntatem in se quiescere faciat, si non omnino, certè in praesenti negotio, & in praesenti intentione, in qua est ultimum. Confirmatur ex D. Augustino l. i. de doct. Christ. c. 4. vbi dicit: Frii est amore inhabere alicui rei propter se ipsam. Fruimur ergo omni bono, quod propter se diligimus; si illud præsens habeamus. Sic dicimus frui amicis & amicorum confortio, contemplatio cœlesti, lectione Scripturarum, & similibus. Aduerte tamen, si illud bonum quo fruimur, non sit in se honestum, talem quoque fruitionem non fore honestam. Talis enim est delectatio, quale est bonum quo delectamur.

Dices, Delectatio est tantum de bono delectabili: atqui bonum delectabile distinguitur ab honesto tamquam diuersum génus boni; ergo nulla delectatio per se & intrinsecè est honesta, neque versatur circa bonum honestum.

Respondeo, Omne bonum honestum adamatum Bonum honestum adamatum, est delectabile, & in sua intrinseca ratione inclu- adama- vim delectandi, unde si præsens fuerit, causabit delectationem. Colligitur ex D. Aug. l. i. delectabile, de doct. Christ. c. 33. Cum adest, inquit, quod dili- August. gitur, etiam delectatione secum gerat neceſſe est. Ratio est, quia delectatio nascitur ex praesenti boni adamati, qualcumque illud bonum sit, siue delectabile tantum, siue honestum. Vnde quando bonum diuiditur in honestum & delectabile, per delectabile intelligitur, vel quod solum delectabile est, & non honestum; vt sunt bona sensibilia; vel solum ista membra ratione distinguuntur: nam ipsa bonitas honesti est delectabilis, & eius delectatio est bonum honestum; neque haec rationes per ullam potentiam possunt separari.

## D V B I V M.

Vtrum etiam medijs fruamur quatenus media sunt?

R Espondeo & Dico Primo. Si frui accipiatur ut id sit quod cum delectatione vti, (quomodo definitur à D. Augustino lib. i. de doct. Christ. c. 33.) rectè dicimus frui medijs; etiam ut media sunt. Ratio est; quia propriè utimur medijs, & ex illorum vnu percipimus delectationem: sic dicimus frui hereditate, opibus, domo, conforto, &c. etiamsi haec non amentur propter seipsa: sed solum propter vitæ commoda, quæ per ea comparantur.

Notandum tamen, usum mediiorum non adferre delectationem ratione bonitatis intrinsecæ (qua bonitas medijs intrinseca, sicut nec amatur propter se, ita neque delectare potest per se) sed solum ratione bonitatis finis, ob quem bonitas medijs amatitur. Confirmatur, Quia tota bonitas

G ij quæ est